



SLUŽBA ZA REVIZIJU FINANSIRANJA POLITIČKIH STRANAKA

Na osnovi člana 14. stav (1) Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2010. GODINU **STRANKE KOKUZA**

Broj: 03-07-6-592/11
Sarajevo, 10. maj 2012. godine

SADRŽAJ

MIŠLJENJE REVIZORA.....	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije.....	5
Cilj revizije.....	5
Obim revizije.....	5
4. PRETHODNE REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	8

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Stranke kokuza za 2010. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Naša odgovornost je izraziti mišljenje na osnovi revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa Zakonom o finansiranju političkih stranaka.

Revizija je na osnovi uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom smo utvrdili da Stranka kokuza u izvještajnom periodu nije postupila u skladu sa odredbama člana 8. stav (2), člana 11. stav (1), stav (2) i stav (3) Zakona o finansiranju političkih stranaka i člana 15.1 stav (1) Izbornog Zakona Bosne i Hercegovine.

Prema našem mišljenju, osim navedenog, revidirani finansijski izvještaj ukazuje da je Stranka kokuza u 2010. godini postupala u skladu sa odredbama Zakona o finansiranju političkih stranaka, te da je troškove izborne kampanje finansirala u skladu sa odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Stranke kokuza za 2010. godinu ¹.

Revizija je preduzeta u skladu sa članom 14. stav (1) Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

U godišnjem finansijskom izvještaju za 2010. godinu Stranka kokuza je iskazala prihod u iznosu od 21.520,00 KM što je prikazano u narednoj tabeli²:

Red.br.	Vrsta prihoda	Iznos u KM	Učešće u ukupnom prihodu %
1	Članarina	630,00	2,93 %
2	Prilozi fizičkih lica	4.434,00	20,60 %
3	Prilozi pravnih lica	11.956,00	55,56 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	4.500,00	20,91 %
7	Prihodi iz budžeta	0,00	0,00 %
	Ukupni prihodi:	21.520,00	100,00 %

Prema podacima iz godišnjeg finansijskog izvještaja, Stranka kokuza je ostvarila rashode u iznosu 16.990,00 KM.

2. PREDSTAVLJANJE POLITIČKE STRANKE

Naziv političke stranke je Stranka kokuza. Skraćeni naziv stranke je SKOK.

Politička stranka je dana 15.03.2010. godine upisana u registar političkih organizacija kod Općinskog suda u Sarajevu, pod registarskim brojem 065-0-F1-10-000002, sa sjedištem u Sarajevu, ulica Skenderija 15.

Lice ovlašteno za zastupanje političke stranke je Edin Efović, predsjednik stranke.

Lice ovlašteno za podnošenje finansijskih izvještaja za 2010. godinu je, također, Edin Efović.

Prema podacima iz godišnjeg finansijskog izvještaja za 2010. godinu, Stranka kokuza nema niže nivoe organiziranja.

¹ Finansijski izvještaj za period od dana podnošenja prijave za ovjeru za izbore do dana ovjere rezultata Općih izbora održanih u oktobru 2010. godine stranka nije podnijela Centralnoj izbornoj komisiji BiH.

² Podaci su preuzeti iz korigiranog godišnjeg finansijskog izvještaja za 2010. godinu koji je stranka dostavila Centralnoj izbornoj komisiji BiH 23.11.2011. godine

3. OPIS REVIZIJE

Predmet revizije je godišnji finansijski finansijski Stranke kokuza za 2010. godinu.

Cilj revizije je na temelju provedenih revizijskih procedura pribaviti revizijske dokaze, koji će revizoru omogućiti da izrazi mišljenje o tome da li je Stranka kokuza u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10. Izbornog zakona Bosne i Hercegovine.

Obim revizije finansijskih izvještaja Stranke kokuza obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i finansiranje izborne kampanje u skladu sa poglavljem 15 Izbornog zakona Bosne i Hercegovine.

4. PRETHODNE KONTROLE I REVIZIJE

Revizija finansijskih izvještaja Stranke kokuza se obavlja prvi put.

5. NALAZI I PREPORUKE

5.1. NALAZI

a) Stranka kokuza je postupila suprotno odredbi člana 8. stav (2) Zakona o finansiranju političkih stranaka.³

Revizijom je utvrđeno da se Stranka kokuza finansirala iz zabranjenog priloga, čime je postupila suprotno odredbi člana 8. stav (2) Zakona o finansiranju političkih stranaka.

Politička stranka je primila prilog u iznosu od 10.000,00 KM, od pravnog lica „Sarajevska pivara“ d.d. Sarajevo, koje je tokom 2010. godine sklopalo ugovore sa Regulatornom agencijom za komunikacije Bosne i Hercegovine.⁴

b) Stranka kokuza je prekršila odredbe člana 11. stav (1), stav (2) i stav (3) Zakona o finansiranju političkih stranaka i člana 15.1 stav (1) Izbornog Zakona BiH.

Služba za reviziju je utvrdila da Stranka kokuza nije uspostavila evidencije o svojim prihodima i rashodima, odnosno da nije vodila poslovne knjige, što je suprotno odredbi člana 11. stav (1) Zakona o finansiranju političkih stranaka.⁵

Također je utvrđeno da je stranka postupila suprotno odredbama člana 11. stav (3) Zakona o finansiranju političkih stranaka jer je godišnji finansijski izvještaj za 2010. godinu sačinila

³ U skladu sa odredbom iz člana 8. stav (2) Zakona o finansiranju političkih stranaka, privatna preduzeća koja obavljaju javne usluge na osnovi ugovora sa vladom ne mogu finansijski pomagati političke stranke.

⁴ Akt Regulatorne agencije za komunikacije Bosne i Hercegovine, broj: 06-29-32-2/12 od 17.01.2012. godine.

⁵ U skladu sa odredbom člana 11. stav (1) Zakona o finansiranju političkih stranaka, politička stranka je obavezna voditi evidencije o svojim prihodima i rashodima, te Centralnoj izbornoj komisiji BiH podnijeti finansijski izvještaj za svaku kalendarsku godinu (godišnji finansijski izvještaj).

suprotno odredbama Pravilnika o godišnjim finansijskim izvještajima političkih stranka i isti Centralnoj izbornoj komisiji BiH podnijela nakon zakonom propisanog roka⁶.

S obzirom da finansijski izvještaj za period od dana podnošenja prijave za ovjeru za izbore do dana ovjere rezultata Općih izbora održanih u oktobru 2010. godine (Postizborni finansijski izvještaj) nije podnijela Centralnoj izbornoj komisiji BiH, Stranka kokuza je prekršila odredbu člana 11. stav (2) Zakona o finansiranju političkih stranaka⁷ i člana 15.1 stav (1) Izbornog zakona BiH⁸.

(1) Stranka kokuza je godišnji finansijski izvještaj za 2010. godinu dostavila Centralnoj izbornoj komisiji BiH dana 11.04.2011. godine.

Uvidom u finansijski izvještaj, utvrđeno je da je isti nepotpun i da: stranka nije prijavila transakcijski račun putem kojega je ostvarila promet u iznosu od 15.063,70 KM, nije prijavila prihod stranke u iznosu od 19.561,00 KM, nije iskazala troškove u iznosu od 19.534,00 KM i nije iskazala obaveze stranke na dan 31.12.2010. godine.

Centralna izborna komisija BiH je dana 07.07.2011. godine Stranci kokuza uputila akt kojim joj je ukazano na nedostatke u finansijskom izvještaju i od stranke je zatraženo da Službi za reviziju finansiranja političkih stranaka dostavi kopije finansijske dokumentacije i poslovnih knjiga za 2010. godinu.

S obzirom da Stranka kokuza nije postupila po zahtjevu Centralne izborne komisije BiH, niti po urgenciji sa istim sadržajem, Služba za reviziju je najavila reviziju finansijskih izvještaja, poslovnih knjiga i poslovne dokumentacije u prostorijama stranke.

Nakon najavljene revizije, Stranka kokuza je izvršila ispravku godišnjeg finansijskog izvještaja za 2010. godinu i istu Centralnoj izbornoj komisiji BiH dostavila 23.11.2011. godine.

(2) Revizijom finansijskog izvještaja na terenu, utvrđeno je da Stranka kokuza nije vodila poslovne knjige, niti je uspostavila bilo kakve evidencije o prihodima i rashodima stranke.

- Finansijski izvještaj koji je dostavljen Centralnoj izbornoj komisiji BiH, sačinjen je na osnovi prometa novčanih sredstava putem transakcijskih računa koje je stranka otvorila kod dvije poslovne banke.
- Stranka ne raspolaže poslovnom dokumentacijom, osim izvoda sa transakcijskih računa, na osnovi koje bi se mogli utvrditi stvarni prihodi, rashodi i obaveze stranke.
- Stranka nema evidencije o blagajničkom poslovanju, odnosno prometu gotovine.

(3) Stranka kokuza Centralnoj izbornoj komisiji BiH nije podnijela finansijski izvještaj za period od dana podnošenja prijave za ovjeru za izbore do dana ovjere rezultata Općih izbora održanih u oktobru 2010. godine (Postizborni finansijski izvještaj), čime je prekršila odredbe člana 11. stav (2) Zakona o finansiranju političkih stranaka i člana 15.1 stav (1) Izbornog zakona BiH.

⁶ U skladu sa odredbom člana 11. stav (3) ovog Zakona, politička stranka je obavezna godišnji finansijski izvještaj podnijeti do 31.03. naredne godine u to u formi koju odobri Centralna izborna komisija BiH. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka.

⁷ U skladu sa odredbom člana 11. stav (2) istog Zakona politička stranka podnosi poseban finansijski izvještaj za period izborne propagande na način kako je to utvrđeno Izbornim zakonom BiH.

⁸ „Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10

U skladu sa Izbornim zakonom BiH stranka je bila obavezna Postizborni finansijski izvještaj podnijeti u roku od trideset dana od dana objave izbornih rezultata u Službenom glasniku BiH, na način i u formi propisanoj Pravilnikom o predizbornim i postizbornim finansijskim izvještajima političkih subjekata⁹.

(4) Godišnji finansijski izvještaj nije popunjen u skladu sa članom 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

- Uvidom u finansijski izvještaj utvrđeno je da Stranka kokuza nije iskazala troškove zakupnine u iznosu od 4.500,00 KM, čime je prekršila odredbe člana 21. Pravilnika o godišnjim finansijskim izvještajima političkih stranaka.

Samim time što je koristila poslovni prostor bez plaćanja zakupnine, stranka je, osim što je ostvarila nenovčanu donaciju, imala i trošak zakupnine, koji je u skladu sa odredbama člana 21. Pravilnika o godišnjim finansijskim izvještajima političkih stranaka, bila obavezna iskazati u finansijskom izvještaju (na obrascu 4-1).

- Stranka kokuza u finansijskom izvještaju nije iskazala obaveze na dan 31.12.2010. godine, čime je prekršila odredbe člana 23. Pravilnika o godišnjim finansijskim izvještajima političkih stranaka.

Uvidom u račun, ispostavljen Stranci kokuza od strane KJKP „RAD“ d.o.o. Sarajevo za mjesec mart 2011. godine, utvrđen je dug stranke u iznosu od 252,72 KM, od čega je dug na dan 31.12.2010. godine iznosio 196,56 KM.

Također, Centralnoj izbornoj komisiji BiH je 29.12.2011. godine dostavljen akt pravnog lica BH Telecom Sarajevo broj: 11.7.-9.5.-5456/11-S.B.-DŽ od 26.12.2011. godine, u kome se navodi da Stranka kokuza prema ovom pravnom licu ima dug u iznosu od 1.693,15 KM.

Troškovi izborne kampanje

Prema podacima koje je iskazala u godišnjem finansijskom izvještaju, a obzirom da Centralnoj izbornoj komisiji BiH nije dostavila izvještaj za period od dana podnošenja prijave za ovjeru za izbore do dana ovjere rezultata Općih izbora održanih u oktobru 2010. godine, Stranka kokuza je ispoštovala odredbe člana 15.10 Izbornog zakona Bosne i Hercegovine, koje se odnose na propisani limit na visinu troškova izborne kampanje. U svrhu izborne kampanje stranka je potrošila 152,00 KM¹⁰.

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu¹¹, prema broju birača, koje je objavila Centralna izborna komisija Bosne i Hercegovine. Prema podacima Centralne izborne komisije Bosne i Hercegovine, Stranka kokuza u svrhu izborne kampanje je mogla potrošiti 1.214.861,70 KM.

⁹ „Službeni glasnik BiH“, br. 61/06

¹⁰ Podaci o troškovima izborne kampanje su preuzeti iz godišnjeg finansijskog izvještaja za 2010. godinu.

¹¹ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava na način što se broj birača u svim izbornim jedinicama, u kojima politički subjekt ima kandidatsku listu ili kandidata, pomnoži sa: 30 feninga za načelnika općine odnosno gradonačelnika i za članove skupštine općine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Stranci kokuza da se pridržava odredbi Zakona o finansiranju političkih stranaka i Izbornog zakona BiH, a posebno na osnovi uočenih nedostataka se preporučuje:

- *da postupa u skladu sa odredbama člana 8. stav (2), člana 11. stav (1), stav (2) i stav (3) Zakona o finansiranju političkih stranaka i člana 15.1 stav (1) Izbornog zakona BiH, i to:*
 - *da se ne finansira iz zabranjenih izvora,*
 - *da uspostavi evidencije o svojim prihodima i rashodima,*
 - *da finansijske izvještaje Centralnoj izbornoj komisiji BiH podnosi u rokovima propisanim Zakonom o finansiranju političkih stranaka i Izbornim zakonom BiH, i*
 - *da finansijske izvještaje podnosi Centralnoj izbornoj komisiji BiH u skladu sa odredbama člana 11. stav (3) Zakona o finansiranju političkih stranaka, odnosno u formi propisanoj Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih subjekata.*

- *da vodi poslovne knjige u skladu sa ovim zakonom i računovodstvenim propisima.*

KOMENTAR:

Stranka kokuza se u datom roku nije izjasnila o nalazima revizije i mišljenju revizora datom u Preliminarnom izvještaju o reviziji godišnjeg finansijskog izvještaja za 2010. godinu, koji je stranci dostavljen dana 29.03.2012. godine.

Mr. Hasida Gušić – šefica Službe za reviziju, revizorica

Sanja Čabrilo – revizorica